


國立故宮博物院珍藏



清代起居注冊


同治朝第三十七冊

清代起居注冊

同治朝

第三十七冊

國立故宮博物院珍藏



同治十一年正月上	...	二〇五二七
同治十一年正月下	...	二〇六〇三
同治十一年二月上	...	二〇六四九
同治十一年二月下	...	二〇六九三
同治十一年三月上	...	二〇七三五
同治十一年三月下	...	二〇七九一
同治十一年四月上	...	二〇八二七
同治十一年四月下	...	二〇八六七
同治十一年五月上	...	二〇九〇五
同治十一年五月下	...	二〇九六三
同治十一年六月上	...	二〇九八九
同治十一年六月下	...	二一〇一九

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78

7436

72

NT\$ 86,000.00

7
2
·
1
2
·
0
6
5
0

·
8
9
0
0
7
1
9
4
·

清代起居注冊

同治朝第三十七冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

威同兩朝共壹佰冊
定價每部新台幣八六〇〇元

同治十一年歲次壬申正月初一日丙戌

上詣

奉先殿行禮辰初

詣

慈甯門外率王公大臣蒙古王貝勒貝子公文武大
小官員等行慶賀禮禮成

駕還養心殿

詣鍾粹宮

母后皇太后前遞如意

長春宮

聖母皇太后前遞如意辰刻

御太和殿受王公大臣蒙古王貝勒貝子公額駙

台吉文武大小官員及朝鮮國使臣等朝賀

禮禮成

詣

大高廟拈香

壽皇殿行禮

駕還宮午刻

御乾清宮陞座

賜近支宗派等宴未刻

奉

母后皇太后

聖后皇太后幸漱芳齋看戲進晚膳畢

駕還養心殿

是日

起居注官鐵祺鍾寶華

初二日丁亥

上詣鍾粹宮

母后皇太后前請安

長春宮

聖母皇太后前請安是日午刻

奉

母后皇太后

聖母皇太后幸漱芳齋看戲侍午膳內閣奉

諭旨上年直隸通州等州縣被水災歉業經降旨

分別蠲緩賑恤撫濟小民諒不可不致失所惟
今春青黃不接之時民力未免拮据加恩著將
通州武清寶坻香河甯河霸州保定文安大城
固安永清東安大興宛平良鄉房山涿州灤州
清苑安肅新城蠡縣雄縣安州高陽河間獻縣
任邱交河吳橋東光天津青縣靜海滄州南皮
鹽山唐山開州元城大名東明長垣豐潤玉田

安平等四十六州縣成災五七九十八九十各村
莊應納同治十一年春徵新賦一切正雜糧租
均著緩至同治十一年秋後啟徵其歉收三四
分各村莊著緩至同治十一年麥後啟徵又勘
不成災之三河樂亭定興博野容城完縣祁州
束鹿藁云阜城肅甯景州正定晉州無極藁城
新樂樂平萍鄉廣宗鉅鹿任縣永年邯鄲成安

肥鄉曲周廣平雞澤清河磁州武邑趙州隆平
甯晉冀州武強饒陽定州深澤等四十一州縣
歉收三四分各村莊內除應納同治十一年新
賦均仍照常徵收外著將各該州縣原緩至同
治十一年麥後啟徵之歉收四分村莊應徵同
節年糧租同歉收三分村莊並深州積歉村莊
應納節年糧租禾穀糧豆竈課河淤海防經費

儲備軍餉等項地租及出借倉穀等項一併展
緩至同治十一年秋後啟徵至津軍廳應徵葦
漁課納糧地畝內有坐落天津武清地方者如
應行接濟仍著歸入天津武清二縣災歉村莊
內一併查明以紓民力該督等即刊刻謄黃編
行曉諭務使實惠均霑毋任吏胥舞弊用副朝
廷施行溥澤嘉惠畿疆至意該部即遵諭行

是日

起居注官松淮徐致祥

初三日戊子

上詣鍾粹宮

母后皇太后前請安

長春宮

聖母皇太后前請安

是日

起居注官奎潤楊慶麟

初四日己丑

上詣鍾粹宮

母后皇太后前請安

長春宮

聖母皇太后前請安內閣奉

諭旨欽恤庶獄仁政所先溯查乾隆十一年嘉慶

十一年道光十一年均

特頒省刑

諭旨大序

恩施亦越咸豐十一年

皇考文宗顯皇帝紹述

前徵復頒行

曠典朕臨御以來仰承兩宮

皇太后懿訓夙夜競以愛育黎元為念茲當紀年開
秩允宜祇遵

成憲以示矜恤而迓祥和所有刑部及各省已經結
案監禁人犯除情罪重大及常赦所不原者毋
庸查辦外其餘著大學士會同刑部酌量案情
輕重分別請旨減等發落其軍流徒杖以下人

犯一併分晰減等完結俾需洪大之恩勉圖自
新之路用副朕子惠兆民法外施仁至意又奉
諭旨上年山東各屬被水被旱被蟲地方業經降
旨分別蠲緩撫恤小民諒可不致失所惟念今
春青黃不接之時民力未免拮据加恩著將濟
甯州登豐等地方高家莊等四十二村莊歷城
縣崔化九等里桃花等二十村莊南會清一等